



1086-11-3-202102051840

N 1086

05/02/2021

ხელშეკრულება სახელმწიფო შესყიდვის შესახებ №21
წინამდებარე ხელშეკრულება დაიდო 2021 წლის 05 თებერვალს
დაფინანსების წყარო საკუთარი სახსრები (პროგრამული კოდი: 310903)

ერთის მხრივ, **სსიპ - ეროვნული სატყეო სააგენტო** (შემდგომში შემსყიდველი) სააგენტოს უფროსის მოადგილის **დავით ალადაშვილის** სახით, მისამართი: ქ. თბილისი, გ. გულუას ქ. № 6, ს/კ 204578581. ტელ: 2753910. საბანკო რეკვიზიტები: საბანკო რეკვიზიტები: ცენტრალური ხაზინა, კოდი TRESGE22, ა/ა GE24NB0330100200165022. ხოლო მეორეს მხრივ **ი.მ. „იაკობ ბალიაშვილი“-ს** (შემდგომში „მიმწოდებელი“) სახით, მისამართი: ახალციხე, მ. კოსტავას ქ. N77/22, ს/კ 47001011050. ტელ: 595888500. ელ.ფოსტა: iakobbaliashvili84@gmail.com; საბანკო რეკვიზიტები: ს.ს ლიბერთი ბანკი, ბანკის კოდი: LBRTGE22; ანგარიშის ნომერი: GE03LB0112188881653000. „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე (**SPA200003322**) ელექტრონული ტენდერის ჩატარების შედეგების გათვალისწინებით ვაფორმებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. **ხელშეკრულებაში გამოყენებულ ტერმინთა განმარტება და ზოგადი პირობები**
- 1.1. „ხელშეკრულება სახელმწიფო შესყიდვის შესახებ“ შემდგომში – „ხელშეკრულება“) – წინამდებარე ხელშეკრულება.
- 1.2. „ხელშეკრულების (მომსახურების) ღირებულება“ – საერთო თანხა, რომელიც მიმწოდებლის მიერ ხელშეკრულებით ნაკისრი ვალდებულებების შესრულებისათვის შემსყიდველმა შემსყიდველს უნდა გადაუხადოს.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.5. მიმწოდებელი ეთანხმება და აღიარებს, რომ ამ ხელშეკრულებით:
 - 1.5.1 მისთვის შეთავაზებული პირობები ჩამოყალიბებულია ნდობისა და კეთილსინდისიერების პრინციპების დაცვით, არ არის საზიანო მისთვის და შემსყიდველთან არსებულ პირობებთან მიმართებაში ისინი თანაბარია.
 - 1.5.2 შემსყიდველი არ სთავაზობს (არ აწესებს) ვალდებულებათა შესასრულებლად სამოქალაქო კანონმდებლობით დადგენილი ნორმებისაგან განსხვავებულ, შეუსაბამოდ ხანგრძლივ ან არასაკმარისად განსაზღვრულ ვადებს;
 - 1.5.3 დათქმული არ არის ისეთი პირობა, რომელიც შემსყიდველს უფლებას აძლევს გაუმართლებლად და ხელშეკრულებაში მითითებული საფუძვლის გარეშე უარი თქვას თავისი ვალდებულებების შესრულებაზე;
 - 1.5.4 შემსყიდველს მინიჭებული არ აქვს უფლება - შეცვალოს ხელშეკრულების საგანი, ან გადაუხვიოს მას, თუ ამის შესახებ შეთანხმება შემსყიდველისათვის მიუღებელია;
 - 1.5.5 შემსყიდველს მინიჭებული არ აქვს უფლება - უარი თქვას შესრულებაზე, ვიდრე მიმწოდებელს არ შეუსრულებია ვალდებულებები;
 - 1.5.6 გათვალისწინებული არ არის ისეთი პირობა, რომლითაც მას ერთმევა უფლება, გაქვითოს უდავო ან სასამართლო გადაწყვეტილებით დადგენილი მოთხოვნა;
 - 1.5.7 გათვალისწინებული არ არის ისეთი პირობა, რომლითაც შემსყიდველი თავისუფლდება კანონით გათვალისწინებული იმ მოვალეობისაგან, რომ ხელშეკრულების მოქმედების ვადის გასვლამდე გააფრთხილოს მიმწოდებელი მიმდინარე შესრულებაში ხარვეზების არსებობის შესახებ;
 - 1.5.8 გათვალისწინებული არ არის შეთანხმება ზიანის ოდენობაზე მეტი თანხის მოთხოვნის შესახებ;

- 1.5.9 გათვალისწინებული არ არის ისეთი პირობა, რომელიც გამორიცხავს ან ზღუდავს პასუხისმგებლობას იმ ზიანისათვის, რაც გამოწვეულია შემსყიდველის ან მისი წარმომადგენლის მიერ უხეში გაუფრთხილებლობით ვალდებულების დარღვევის გამო;
- 1.5.10 გათვალისწინებული არ არის ისეთი პირობა, რომლითაც შემსყიდველის მიერ ძირითადი ვალდებულების დარღვევისას მიმწოდებელს ერთმევა ან ეზღუდება უფლება, უარი თქვას ხელშეკრულებაზე, ან მიმწოდებელს ერთმევა ან, 1.5.8 ქვეპუნქტის საწინააღმდეგოდ ეზღუდება ხელშეკრულების შეუსრულებლობისათვის ზიანის ანაზღაურების მოთხოვნის უფლება (ძირითადი ვალდებულების შესრულების დარღვევა);
- 1.5.11 გათვალისწინებული არ არის ისეთი პირობა, რომელიც მიმწოდებლის მიერ ვალდებულების ნაწილობრივ შესრულების შემთხვევაში შემსყიდველს ართმევს უფლებას, მოითხოვოს ზიანის ანაზღაურება მთლიანი ხელშეკრულების შეუსრულებლობისათვის ან უარი თქვას ხელშეკრულებაზე, თუკი მას დაეკარგა ინტერესი ნაწილობრივი შესრულებისადმი;

2. ხელშეკრულების საგანი

- 2.1. ხელშეკრულების საგანია: სავარაუდოდ (საორიენტაციოდ) **1173,99 კუბური მეტრი (ნამვი-231,25მ²; სოჭი 669,18 მ³; ფიჭვი 270,75 მ³ და ვერხვი 2,81 მ³) წიწვოვანი** სახეობის ხე-ტყის/მერქნული რესურსის დამზადების მომსახურების გაწევა (შემდგომში მომსახურება).

3. მომსახურების ღირებულება

- 3.1. მომსახურების მთლიანი თანხა დღგ-ს ჩათვლით შეადგენს **103 827,6756** (ასსამიათასრვაასოცდაშვიდი ლარი და 67,56 თეთრი) ლარს.
- 3.2. ერთი მ³ ხე-ტყის დამზადების, შემსყიდველის მიერ მითითებულ ადგილზე ტრანსპორტირების და დასაწყობების მომსახურების ღირებულება დღგ-ს ჩათვლით შეადგენს **88,44** (ოთხმოცდარვა ლარი და 44 თეთრი) ლარს.

4. მომსახურების მიღება-ჩაბარება

- 4.1. მომსახურების მიღება წარმოებს ეტაპობრივად, ხელშეკრულების პირობების შესრულებაზე კონტროლის განმახორციელებელი ჯგუფის წევრების დასკვნის საფუძველზე წერილობითი ფორმით მიღება-ჩაბარების აქტის შედგენის გზით, მხარეთა უფლებამოსილი წარმომადგენლების ხელის მოწერით.
- 4.2. მომსახურება და მასთან დაკავშირებული ყველა ვალდებულების დასრულებისთანავე მიმწოდებელი შემსყიდველს წარუდგენს წერილს, რომლის მიღებიდან 5 (ხუთი) სამუშაო დღისვადაში შემსყიდველის წარმომადგენლები (კონტროლის განმახორციელებელი ჯგუფის წევრები, შემდგომში: „კონტროლის ჯგუფი“) განიხილავენ წერილში დაფიქსირებული მომსახურებისა და მასთან დაკავშირებით მიმწოდებლის ყველა ვალდებულების შესრულების შესაბამისობას ხელშეკრულებით დადგენილ პირობებთან.
- 4.3. კონტროლის ჯგუფის წევრები არაუგვიანეს 4.2 პუნქტით განსაზღვრული ვადის ამოწურვიდან 2 (ორი) სამუშაო დღისა, ამზადებენ დასკვნას შესრულებული მომსახურების ხელშეკრულებით გათვალისწინებულ პირობებთან შესაბამისობის თაობაზე. იმ შემთხვევაში თუ, მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება შესაბამისადაა შესრულებული, ხელშეკრულებით გათვალისწინებულ მოთხოვნებს, დასკვნის მომზადების დღესვე ხელშეკრულებით განსაზღვრული პირი ახორციელებს მომსახურების მიღებას, ხოლო თუ, გამოვლინდება, რომ მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს ნაკლები შესრულება (მომსახურება).
- 4.4. იმ შემთხვევაში, თუ ხელშეკრულების 4.3 პუნქტის საფუძველით არ განხორციელდა მომსახურების მიღება, მიმწოდებელს დაეკისრება პირგასამტეხლო, ხელშეკრულების მე-10 მუხლით გათვალისწინებული პირობების შესაბამისად.
- 4.5. მიმწოდებელმა მომსახურების მიღების და/ან საბოლოო შემოწმების შედეგად გამოვლენილი დეფექტი ან ნაკლი უნდა აღმოფხვრას საკუთარი ხარჯებით.
- 4.6. შემსყიდველი ვალდებულია ნაკლები მომსახურების რაოდენობის და წუნდების მიზეზის მითითებით საბოლოო შემოწმების შედეგები წერილობითი აცნობის მიმწოდებელს.
- 4.7. მომსახურება მიღებულად ჩაითვლება მიღება-ჩაბარების აქტზე შემსყიდველის მხრიდან ხელმოწერის შემდეგ. მიღება-ჩაბარების აქტზე შემსყიდველის მხრიდან ხელმოწერა შემსყიდველის ადგილობრივი სატყეო სამსახურის უფროსი.

5. მომსახურების განხორციელების ვადები და ადგილი

- 5.1. მოსამზადებელი სამუშაოების ხე-ტყის დამზადების ვადა განისაზღვროს 2021 წლის 01 ივლისამდე, კერძოდ: 01 აპრილამდე 200 კმ, 01 აპრილიდან 01 მაისამდე 300 კმ, 01 მაისიდან 01 ივნისამდე 300 კმ, და 01 ივნისიდან 01 ივლისამდე 373,99 კმ.
- 5.2. (სამცხე-ჯავახეთის სატყეო სამსახურის ადიგენის სატყეო უბნის კეხოვანის სატყეოში 29-ე კვარტალი, მე-6 ლიტერი (ტყეკაფის №004-03-0037304;) (ბრძანების N 2723/ს)
- 5.3. ტყეკაფამდე მისასვლელ სატყეო სამეურნეო გზის 1000 მეტრიან მონაკვეთს ესაჭიროება რეაბილიტაცია.
- 5.4. ტყეკაფიდან დამზადებული ხე-ტყის დასაწყობების ადგილამდე მანძილი შეადგენს (ქალაქი ახალციხე) 25 კმ.

6. ვალდებულების შესრულება. მხარეთა უფლება-მოვალეობანი

- 6.1. მხარეთა ვალდებულება უნდა შესრულდეს ჯეროვნად, კეთილსინდისიერად, დათქმულ დროსა და ადგილას.
- 6.2. მიმწოდებელი ვალდებულია მომსახურება განახორციელოს შემდეგი პირობების დაცვით:
 - ა) ზეზემდგომი ხის ჭრა: სამუშაო ადგილის მომზადება (ხის ირგვლივ ადგილის გასუფთავება ქვეტყის, ამონაყრის, ეკალ-ბარდების და ბუნებრივი ნაყარისაგან), განსაზღვრული მიმართულებით ხის წაქცევა, ტოტების შეჭრა. უზრუნველყოფილ იქნეს მოჭრილი ხის ნარჩენების ხურგებად განთავსება ხე-ტყის დამზადების დამთავრებისთანავე, მაგრამ არა უგვიანეს ხე-ტყის გამოზიდვამდე.
 - ბ) მორების (შოლტების) მორთვევა ტრაქტორით ზედა საწყობამდე (ბაქანი).
 - გ) მორებზე (შოლტზე) გადასაჭრელი ადგილის მონიშვნა მრგვალი ხე-ტყის მორის მიღების მიზნით და შოლტების დამორვა ბენზოხერხით. ძირზე დარჩენილი ღეროს ნაწილის მოჭრა - შესწორება.
 - დ) მოჭრილი ხის ღეროდან მაქსიმალურად იქნეს ამოღებული საქმისი მერქანი - მრგვალი მორი, 5 ან 6 მეტრის სიგრძის.
 - ე) ხე-ტყის დატვირთვა ტრანსპორტზე, ტრანსპორტირება ხე-ტყის საბოლოო დასაწყობების ადგილამდე და გადმოტვირთვა.
 - ვ) მიმწოდებელმა მოჭრილი-დამზადებული მერქნული რესურსი უნდა დაასაწყობოს ხელშეკრულებით განსაზღვრულ ადგილზე.
- 6.3. წარმოდგენილი დასამზადებელი მერქნული რესურსი საორიენტაციო ხასიათისაა და საქართველოს მთავრობის 2010 წლის 20 აგვისტოს N242 დადგენილების მე-12 მუხლის მე-4 პუნქტის მოთხოვნებიდან გამომდინარე შემსყიდველი უფლებამოსილია არ მოახდინოს მომსახურების შესყიდვა სრული რაოდენობით.
- 6.4. ტყითარგებლობის წესის დამტკიცების შესახებ საქართველოს მთავრობის 2010 წლის 20 აგვისტოს N242 დადგენილებით დამტკიცებული ტყითარგებლობის წესის მე-13 მუხლის მოთხოვნათა დაცვით უზრუნველყოს ჭრის შედეგან მიღებული ნარჩენების განთავსება.
- 6.5. შემსყიდველი უფლებამოსილია მიმწოდებლის მიერ ზემოთ აღნიშნული მე-4 პუნქტის დარღვევის შემთხვევაში დააკისროს გარემოსთვის მიყენებული ზიანის ანაზღაურება საქართველოს მთავრობის 2014 წლის 14 იანვრის #54 დადგენილების მე-10 დანართის მე-8 პუნქტის შესაბამისად.
- 6.6. მიმწოდებელმა მომსახურება უნდა განახორციელოს არანაკლებ 3 (სამი) სამუშაო ჯგუფით. ჯგუფი უნდა შედგებოდეს არანაკლებ 6 ადამიანისაგან; შემის საბოლოო დასაწყობების ადგილზე გამოსაზიდად ჯგუფში უნდა იყოს არანაკლებ 2 (ორი) მაღალი გამავლობის სატვირთო ავტომანქანა მორების საბოლოო დასაწყობების ადგილზე გამოსაზიდად, 1 (ერთი) სპეც/ტექნიკა (მორმორთვე ან სხვა სპეც/ტექნიკა) მორების გამოსათრევად და დასაშტაბელებლად და 1 (ერთი) სპეც/ტექნიკა (ბულდოზერი ან სხვა სპეც/ტექნიკა) სატყეო სამეურნეო გზების მოწყობა-რეაბილიტაციისათვის. მათ შორის დამამზადებელს უნდა ჰყავდეს ერთი დიპლომირებული მეტყევე სპეციალისტი
- 6.7. ხე-ტყის დამზადებისას შრომის უსაფრთხოების ნორმების დაცვაზე პასუხისმგებელია მიმწოდებელი.
- 6.8. მხარეები თანხმდებიან მასზედ, რომ რამდენადაც დასამზადებელი მერქნული რესურსი საორიენტაციო ხასიათისაა და ტყითარგებლობის წესის მე-12 მუხლის მე-4 პუნქტის მოთხოვნების გათვალისწინებით შემსყიდველი უფლებამოსილია არ განახორციელოს მომსახურების შესყიდვა აბსოლუტურად სრული რაოდენობით (მოცულობით).
- 6.9. ხე-ტყის წარმოშობის დოკუმენტის შეუფერხებლად გამოწერის მიზნით მიმწოდებელი ვალდებულია ხე-ტყის ტრანსპორტირების დაწყებამდე დროულად მიმართოს შემსყიდველს. ხე-ტყის (მათ შორის, დაუფირნიშებელი ხე-ტყის) უკანონო ტრანსპორტირებაზე პასუხისმგებელია მიმწოდებელი.
- 6.10. მიმწოდებელმა პირადად უნდა შეასრულოს ვალდებულება. ამდენად, მან ეს ვალდებულება არ შეიძლება შეასრულებინოს მესამე პირს, გარდა იმ შემთხვევისა, თუ ამაზე წერილობით თანახმა არ იქნება შემსყიდველი.

- 6.11. მიმწოდებელს უფლება აქვს ვადამდე შეასრულოს ვალდებულება, თუკი პატივსადები მიზეზით შემსყიდველი უარს არ იტყვის შესრულების მიღებაზე.
- 6.12. შემსყიდველს არ შეუძლია შესრულების მოთხოვნა ვადამდე, ხოლო მიმწოდებელს შეუძლია ვალდებულების შესრულება ვადაზე ადრე.

7. ვადის გადაცილება. ვალდებულების დარღვევა. შედეგები

- 7.1. მიმწოდებლის მიერ ხელშეკრულების პირობების ვადაში შეუსრულებისას შემსყიდველი არ დააწესებს დამატებითი ვადას.
- 7.2. არ არის აუცილებელი გაფრთხილება, თუაშკარაა, რომ მას არავითარი შედეგი არ ექნება;
- 7.3. შემსყიდველი უფლებამოსილია ვალდებულების შესრულების ვადის დადგომამდე უარი თქვას ხელშეკრულებაზე, თუ აშკარაა, რომ მაინც დადგება ხელშეკრულებაზე უარის თქმის საფუძველები.

8. ანგარიშსწორების პირობები

- 8.1. ანგარიშსწორება მიმწოდებელთან განხორციელდება ეტაპობრივად, ფაქტიურად გაწეული მომსახურების მიხედვით, მომსახურების გაწევის შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტისა და საგადასახადო ანგარიშ-ფაქტურის (კანონმდებლობით დადგენილ შემთხვევაში) საფუძველზე, მათი წარმოდგენიდან **10 (ათი) სამუშაო დღის განმავლობაში**.
- 8.2. ანგარიშსწორება განხორციელდება უნაღდო ანგარიშსწორების ფორმით ლარებში.

9. ხელშეკრულების მისადაგება შეცვლილი გარემოებებისადმი, ხელშეკრულებაში ცვლილებების შეტანა

- 9.1. არცერთ მხარეს არ აქვს უფლება ცალმხრივად მთლიანად ან ნაწილობრივ შეცვალოს ხელშეკრულების პირობები. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 9.2. თუ ის გარემოებები, რომლებიც ამ ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ, მაშინ ნებისმიერი მხარის მიერ შეიძლება მოთხოვილ იქნეს ხელშეკრულების მისადაგება შეცვლილი გარემოებებისადმი. წინააღმდეგ შემთხვევაში, ცალკეულ გარემოებათა გათვალისწინებით, ხელშეკრულების მხარეს არ შეიძლება მოეთხოვოს შეუცვლელი ხელშეკრულების მკაცრად დაცვა.
- 9.3. მხარეები ჯერ უნდა შეეცადონ, რომ ხელშეკრულება მიუსადაგონ შეცვლილ გარემოებებს. თუკი შეუძლებელია ხელშეკრულების მისადაგება შეცვლილი გარემოებებისადმი, ან მეორე მხარე ამას არ ეთანხმება, მაშინ იმ მხარეს, რომლის ინტერესებიც დაირღვა, შეუძლია უარი თქვას ხელშეკრულებაზე.
- 9.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.5. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10. პასუხისმგებლობა

- 10.1. შემსყიდველი უფლებამოსილია ამხელშეკრულებით გათვალისწინებული მომსახურების მიწოდების ვადის გადაცილების შემთხვევაში მიმწოდებელს დააკისროს პირგასამტეხელო, ყოველ ვადაგადაცილებულ დღეზე, შეუსრულებელი ვალდებულების ღირებულების **0.1 პროცენტის** ოდენობით. (ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც დაჭირდება 4.2 პუნქტით გათვალისწინებული მიმწოდებლის მიერ წარდგენილი წერილის მიღებიდან კონტროლის ჯგუფის წევრების მიერ დასკვნის მომზადებას).
- 10.2. თუ მიმწოდებელი ვადის გადაცილებასთან ერთად (ან ვადის გაადცილების გარეშე) დაუშვებს სხვა არაჯეროვან შესრულებასაც, შემსყიდველი უფლებამოსილია ასეთი არაჯეროვანი შესრულების ყოველ კონკრეტულ ფაქტზე დააკისროს მიმწოდებელს პირგასამტეხელო ხელშეკრულების საერთო ღირებულების **0.5 პროცენტის** ოდენობით.
- 10.3. შემსყიდველი უფლებამოსილია მიმწოდებლის მიერ ხე-ტყის ნარჩენების განთავსებისათვის ამ ხელშეკრულებით გათვალისწინებული პირობების დარღვევის შემთხვევაში მიმწოდებელს დააკისროს გარემოსთვის მიყენებული ზიანის ანაზღაურება, საქართველოს მთავრობის **2014 წლის 14 იანვრის #54 დადგენილების მე-10 დანართის მე-8 პუნქტის შესაბამისად**.

- 10.4. იმ შემთხვევაში თუხელშეკრულების 10.1 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 1 (ერთი) პროცენტს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ასეთი საფუძვლით ხელშეკრულების შეწყვეტა არანათავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.
- 10.5. ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება მიმწოდებელს ეკისრება იმ შემთხვევაშიც, თუ ზიანი მიაღწა მესამე პირებს და ეს შედეგი არ დადგებოდა, მისი ვალდებულება ჯეროვნად რომ შესრულებულიყო.
- 10.6. მხარეები თავისუფლდებიან პასუხისმგებლობისაგან:
- 10.6.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორით.
- 10.6.2 მხარეებმა დაუყოვნებლივ უნდა შეატყობინონ ერთმანეთს იმ სხვა პირობებისა თუ მოვლენების შესახებ, რომლებმაც შესაძლოა შეაფერხონ ან ექვეყემ დააყენონ მათი ვალდებულების განხორციელება. ხოლო შეტყობინებიდან არაუგვიანეს 5 (ხუთი) სამუშაო დღისა მხარემ უნდა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილობით მოყვანილ ფორს-მაჟორულ გარემოებებს;
- 10.6.3 ხელშეკრულების 10.6.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდ შეწყვიტონ ხელშეკრულება.
- 10.7. ამ ხელშეკრულებისათვის ფორს-მაჟორია ნებისმიერი გარემოებით ან მოვლენით გამოწვეული ფაქტობრივი მდგომარეობა, რომელთა თავიდან აცილება, ან აღკვეთა შეუძლებელია მიუხედავად გონივრული მცდელობისა. ეს გარემოებები მოიცავს (მაგრამ არ ამოიწურება): პოლიტიკური აქციები (გაფიცვები, მიტინგები, შენობების პიკეტირება), სამოქალაქო არეულობები, გამოცხადებული და გამოუცხადებელი სამხედრო კონფლიქტები, ტერორისტული აქტი, დივერსია და საბოტაჟი, ემბარგო ან სხვა სახის ბლოკადა, ნებისმიერი ეპიდემია ან პანდემია, კარანტინის გამოცხადება, ნორმატიული აქტებით ბიზნეს საქმიანობის ან სხვა სამუშაოთა შესრულების შემზღუდავი ან ამკრძალავი წესების დადგენა, ბუნებრივი (მეტეოროლოგიური და სხვა სტიქიური) და ანთროპოგენური წარმოშობის მოვლენები: ქარბორბალა, გრიგალი, ქარიშხალი, („ფორს-მაჟორში“ არ ჩაითვლება ჩვეულებრივი მეტეოროლოგიური მოვლენები: წვიმა, თოვა, ასევე ქარი და ა.შ.), მეწყერი, ღვარცოფი, მიწისძვრა, წყალდიდობა, ხანძრები, ავარიები,
- 10.8. ხელშეკრულების პირობების ნაწილობრივ შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 10%-ის ოდენობით. ამ პუნქტის მოქმედების დროს გამოირიცხება 10.1 პუნქტის მოქმედება.
- 10.9. ხელშეკრულების პირობების საერთოდ შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით. ამ პუნქტის მოქმედების დროს გამოირიცხება 10.1 პუნქტის მოქმედება.
- 11. ხელშეკრულების შეწყვეტა**
- 11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ, თუ აშკარაა, რომ მიმწოდებელს ხელშეკრულებით გათვალისწინებულ ვადაში არ შეუძლია განახორციელოს მთლიანი მომსახურება;
- 11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.3.1 თუ მისთვის ცნობილი გახდა, რომ მისგან დამოუკიდებელი მიზეზების გამო იგი თავად ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.3.2 მიმწოდებლის გაკოტრების შემთხვევაში;
- 11.3.3 წინამდებარე ხელშეკრულების მე-10 მუხლის 10.4 პუნქტის დადგომის შემთხვევაში;
- 11.3.4 საქართველოს კანონმდებლობით გათვალისწინებულ სხვა შემთხვევებში.
- 11.4. ხელშეკრულება შეიძლება შეწყდეს მხარეთა ორმხრივი შეთანხმებითაც.

12. ხელშეკრულების შესრულების კონტროლი

- 12.1. ხელშეკრულების კონტროლს ახორციელებს შემსყიდველის ადგილობრივი სატყეო სამსახურის 2 (ორი) მეტყევე (იგივე „კონტროლის ჯგუფი“).
- 12.2. კონტროლის ჯგუფის ფუნქციებია:
- 12.2.1 გააკონტროლოს მომსახურების განხორციელების ვადების ხელშეკრულების მოთხოვნებთან შესაბამისობის დადგენას.

- 12.2.2 დაადგინოს შესაბამემა, თუარა განხორციელებული მომსახურება ხელშეკრულებით გათვალისწინებულ პირობებს და/ან მოთხოვნებს. ამ მიზნით პერიოდულად განახორციელოს მონიტორინგი.
- 12.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 12.4. გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
- 13. სადაო საკითხების გადაწყვეტა**
- 13.1. მხარეებმა ყველა ღონე უნდა იხმარონ, რათა მოლაპარაკებით მოავარონ ყველა უთანხმოება და დავა. სხვა შემთხვევაში დავა გადაწყდება სასამართლოში მიმართვის გზით, კანონმდებლობის შესაბამისად.
- 13.2. პირობები, რომლებიც არ რეგულირდება ამ ხელშეკრულებით, წესრიგდება საქართველოს მოქმედი კანონმდებლობის შესაბამისად.
- 14. ინტერესთა კონფლიქტი**
- 14.1. „სახელმწიფო შესყიდვების შესახებ“ საქართველოს კანონის მე-8 მუხლის თანახმად, შემსყიდველის მხრიდან ხელშეკრულებაზე ხელმოწერი პირი, აგრეთვე ვიზების დამდები პირები, ამავედროულად ვადასტურებთ, რომ არ ვიმყოფებით ინტერესთა კონფლიქტში აღნიშნულ მიმწოდებელთან.
- 15. ხელშეკრულების მოქმედების ვადა.**
- 15.1. ხელშეკრულება მოქმედებს **2021 წლის 14 დეკემბრამდე.**
- 15.2. ხელშეკრულება შედგენილია ქართულენაზე, **ელექტრონულად**, რომლის თითოეული გვერდი ორიგინალია. წინამდებარე ხელშეკრულების ყველა ცვლილება და დამატება ძალაშია შეთანხმების ელექტრონული ფორმით გაფორმებისა და ხელმოწერის შემდეგ.

16. მხარეთა რეკვიზიტები

„შემსყიდველი“

„მიმწოდებელი“

სსიპ „ეროვნული სატყეო სააგენტო“

ი.მ „იაკობ ბალიაშვილი“

დავით ალადაშვილი
უფროსის მოადგილე

იაკობ ბალიაშვილი

დავით ალადაშვილი



სააგენტოს უფროსის მოადგილე

